

ein viertel an der Circumferentz Linien zu fallen hat. Wie solche in folgender Rechnung zu sehen ist.

$$7 \cdot \text{————} 60 \cdot \text{————} 22 \cdot \quad (188 \frac{4}{7})$$

$$4 \cdot \text{————} 188 \frac{4}{7} \cdot \text{————} 1 \cdot \quad (47 \frac{1}{7})$$

☞ Dabey haben wir uns zuerinnern: Das vnser **HERR** **GOTT** freylich den Gottlosen vnbusfertigen Menschen täglich drewet/das er mit seiner Zorn Art/mit viel schlägen / nemlich mit mancherley schrecklichen Plagen/ auch mit schnellem Tode / vnd mit dem ernstestem Gerichte/ nicht allein ire Este vnd Zweige/sondern auch den ganken Stam vmbhawen / vnd mit Wurzel vnd all zu grund aufreuten vnd ins Hellische Feuer werffen wolle / wie auch der **HERRE** Christus *Matth. 7.* Dräwet vnd spricht: Ein jeglicher böser Baum der nicht gute Früchte bringet / wird abgehawen vnd ins Feuer geworffen. Darumb wol allen / die ihre Ohren vnd Herzen nicht verstopffen / *Psal. 95.* Ihre Busse nicht lange auffziehen noch sparen *Syrach. 5.* Sondern inn der zeit der Gnaden dem **HERREN** begegnen/ *Amos 4.* Auff das sie inn Gnaden erhalten vnd Selig werden.

### Von des Raben List Wasser zusuchen/ vnd seinen Durst zu leschen.

Plinius schreibet *Libro. 10. Capit. 43.* von einem Raben / welcher von Durst wegen zu einem Wasser-  
Eymmer kommen sey / darin Regenwasser gestanden / welches doch der Rabe wegen der Tieffe nicht hat erreichen können/  
darumb der Rabe auß grossem Durst diese List gebrauchet/  
Hh ij das